


DISPUTATIO JURIDICA,
DE
F E R I I S.

Quam

D. T. O. M. A.

Permissu & Auctoritate

Magnifici Domini Ordinarii,
Amplissimi Dni Senioris, nec non reli-
quorum Consultissimorum, inclitæ Facul-
tatis Juridicæ, in almâ Lipsiensi
Assessorum,



Ad diem XIII. Maji,


In Auditorio Collegii Paulini

Publica disquisitioni subjicit

GEORGIUS ERNESTUS Stößbach/
J. U. D.

RESPONDENTE

CHRISTIANO Schürer/
Dresd.



L I P S I Æ,

TYPIS GREGORII RITZSCHII,
M DC XII





IN NOMINE SS. ET INDIVIDUÆ
TRINITATIS.

DISPUTATIO JURIDICA
DE

FERIIS.

PROOEMIUM.



INTER varias Juris materias, quæ hæctenus, exercitii causâ, publico disputationis examini, propositæ fuerunt, non postremum sortitur locum, in foro, frequens illa, Feriarum materia, (a) quâ de pauca, & quidem præcipua, quæ ad pleniorẽ ejus cognitionem facere videntur, in medium proferre, placidæque disquisitioni, eruendæ veritatis gratiâ, submittere, constituimus; uberiores ejus resolutionem, his, quibus dilucido eandem commentario, illustrare propositum, relicturi. Ad quod feliciter expediendum, Divini Numinis auxilium, pro Spiritus Sancti impetrandâ gratiâ, submissè imploramus.

(a) Cùm deferentem promissionem judicio sistendi causâ factam, & non venientem in jus, nonnunquam ferri excusent. Ex numero enim earum Exceptionum, quibus judicium non in totum declinatur, sed tantum

differtur, præ reliquis ferè omnibus, occurrit, Feriarum Exceptio, quâ citatus ad diem feriatum, tutus est, ne regulariter in poenam contumaciæ condemnari possit, sed illi alia dilatio danda sit, imò, si adversùs taliter citatum, judicatum erit, is, nec judicatum facere, nec solvere debet. *l. si feriatis diebus. § ff. de Fer. & dilat. l. fin. in fin. C. d. t. cap. fin. circa fin. X. eod.* Sit ergo

THESIS I.

Priusquam autem ad alia deveniamus, Feriarum derivationem, ante omnia (a) nosse oportet, juxta quam Feriæ, in propriâ significatione acceptæ, (b) à feriendis hostiis dictæ, perhibentur. (c)

(a) Tum, quod ad benè docendum, oporteat primùm excutere vocabula, & sicuti rerum intelligentia à verborum intellectu pendet, ita verborum, priorem, rerum autem posteriorem, rationem habendam esse, demonstrant J Cti. *arg. l. 1. in pr. ff. de justit. & jur. l. 1. §. 1. ff. de pact. l. 1. §. 1. ff. de tutel. l. 1. in pr. ff. de furt. l. 2. §. 2. ff. de Reb. cred.*

(b) Apud Antiquos enim quælibet septimanæ dies, FERIA fuit appellata, ita, ut dies Solis, prima FERIA, dies Lunæ secunda, Martis tertia, Mercurii quarta, & sic deinceps. *cap. 1. X. de treng. & pac. cap. cum creatura. 11. X. de celebr. Missar.*

(c) Quod his diebus litari (hoc est ritè sacrificare) soleat: unde & ipsæ hostiæ, ab hostire, quod olim ferire significabat. *Treusl. vol. 1. disput. 5. tb. 9. lit. a.* feriæ nominantur, *Wesenbec. in paratit. ff. de Fer. n. 2.* Dicuntur insuper FERIÆ, quasi Fœriæ, exinde, quòd præstent vacationem

tionem ab iis, quæ in foro judiciali tractari & agi, consueverunt. *Azo in tit. C. de Fer. num. 1.*

THE SIS II.

Præter dies quietos à litibus, Feriæ etiam vocantur Induciæ, Pax, Tempus mutum, à judiciis. (a)

(a) *Cujac. in paratit. C. de Fer. lit. B. Dies Feriatici, l. 2. ff. b. 1. Dies Feriati, l. si feriatis diebus. 6. l. Divus Trajanus. d. ff. d. 1. l. 36 ff. de recept. qui arbit. l. 2. in fin. ff. Si quis in jus vocat: l. custodias. 12. ff. de public. jud. l. miles. 11. §. sexaginta dies. 6. ff. ad L. Jul. de adult. l. Si, ut proponis. 4. C. quomodo. & quand. Jud. sent. l. tempora fatalium. 2. in fin. C. de tempor. & reparat. Appell. Undè & Menses Feriati, appellantur, l. 5. C. hic. Feria. l. 2. C. d. 1. Festivæ dies. Azo in tit. C. de Fer. num. 1. in fin. in quo significato nomen Feriæ sumitur in tit. ff. C. & X. de Fer.*

THE SIS III.

Nominis inspectionem sequitur definitio Rei, (a) circa quam major difficultas, ac inter Dd. una atq; altera existit varietas, (b) Nos Ferias, prout hîc vocabulum capimus, ita definimus, quòd sint dies (c) Feriati, quibus forensibus negotiis & juri dicendo judices (d) vacare, nec sui copiam facere consueverunt, (e)

(a) Non dignitate, sed ordine, *arg. l. depositi nomine. 5. §. peculium. 3. ff. de pecul. arg. d. l. 1. §. 1. & 3. ff. de furs. & d. l. 1. §. 1. & 2. ff. de pact.*

(b) *Cujac. in parat. C. de Fer. Wefenb. in parat. ff. eod. n. 2.*
1. & *Harpr. in tract. de process. jud. Decad 5. conclus. 9. n. 1.*
ita describunt: Qvòd sint tempora muta, à judiciis: vel
dies quieti à litibus, vel dilationes omnium litium, vel
dies, aut cultui divino, aut colligendis fructibus, seu alii
rei destinari, qvibus judicialis strepitus, conquiescit: Ali-
ter *Trentl. disp. 5. tb. 9. lit. b. vol. 1.* qvi, ferias, dies, ab actibus
judicialibus vacuos, nominat. *Arnold. de Reyer in suo juris*
thesaur. sub tit. de Fer. Denique statuit: Fas esse dies cessa-
tionis ab operibus & à forensibus negotiis, partim ob ho-
norem DEI, partim ob hominum utilitatē introducta,

(c) Non juridici, *l. omnes dies. 7. in pr. C. hic.* qvibus jura
debent differri, *d. l. 7. C. d. t.* atqve ea habetur reverentia,
ut nec apud ipsos Arbitros, vel à judicibus flagitatos, vel
spontè electos, ulla sit cognitio jurgiorum, *d. l. 7. l. 10. C.*
hoc tit. l. 1. ff. de Fer. qvibus publicorum privatorumq; de-
bitorum differatur exactio, *in fin. d. l. 7.* qvi à forensibus
negotiis dant vacationem, *l. ult. §. 1. C. hic.* Et Magistratus
jus non dicit. *l. Sed si per Pratorem. 26. §. si feria. 7. ff. ex qvi-*
bus causis maj. Quarum interventu actor, qvi agere vult,
impeditur, *d. l. 26. §. 7. in fin.* Qvare olim iustitium, qvafi
juris stitium, qvòd jus tùm staret, nec ulterius progrede-
retur. Et Nefasti dies, in qvibus lege & jure experiri non
licet, dicebantur. *Wefenb. in parat. ff. hic. n. 2.*

(d) Idqve procedit, non solùm in iudice, sed etiam in
Arbitro, siye ab ipsis judicibus sit constitutus, siye per
compromissum à partibus litigantibus electus. *l. omnes*
dies. 7. vers. ut nec apud ipsos Arbitros. C. hoc nost. tit. qvia
Arbitria & compromissa ad similitudinem iudiciorum
sunt redacta, *l. 1. l. non distinguemus. 32. §. item si qui Roma. 9.*
vers. Sed compromissum. ff. de recept. qui Arbit. Secus tamen
in Arbitratore, siye amicali compositore; Lites enim,

&

& qv
feriat
l. ult. §
qvode
pacta,
(c) l.
l. omnes

Exp
(a) qv
cipalit
ctas, &
(a) E
do, qv
sita mat
(b) A
dum Fra
n. definit
§. 1. num. 1.
& extrao
qvibus can
Matth. St
in Stativa
Macrobiu
restante T
(c) Et i
stri accipi
commun
qvibus

& quæ ad contentiosam jurisdictionem pertinent, differiatâ duntaxat, cessare debent, *l. quadraginta diebus. 6. l. ult. §. 1. C. de Fer.* Arbitratores autem secundum Dd. quosdam, non ad lites, sed ad contractus, transactiones, pacta, aliosque actus extrajudiciales, adhibentur.

(c) *l. 1. l. pridie. §. 1. si feriatis. 6. l. Divus. 9. & l. 1. ff. de Fer. l. omnes dies. 7. C. eod. cap. 1. & ult. X. d. 1.*

THESIS IV.

Explicatâ definitione, accedit Divisio, (a) quæ, licet variâ & multiplex sit, (b) Principaliter tamen Feriæ, in solennes, Indictas, & Repentinâs, distribuuntur. (c)

(a) Est etenim, hic optimus procedendi modus & ordo, quo à definitione incipientes, ad divisionem propriæ materiæ, successivè devenimus.

(b) Adeò, ut non solum, in divinas & humanas, secundum Francisc. Duar. cap. 1. de Fer. Anton. Fabr. lib. 3. Cod. cap. 11. definit. 2. num. 6. In publicas & privatas; juxta Speculat. §. 1. num. 1. de Fer. Wesenb. in parat. ff. bic. n. 3. In ordinarias & extraordinarias; per l. 26. §. Si feriæ extra ordinem. 7. ff. ex quibus causis major. Ludovic. Gillhaus. cap. 5. Ramusc. 6. n. 1. Matieb. Stepb. in Oeconôm. jur. civ. lib. 4. cap. 12. n. 2. sed etiam in Stativas, Conceptivas, Imperativas, & Nundinales, ex Macrob. lib. 1. cap. 16. Hotoman. & Ravard. lib. 5. varior. cap. 19. testante Treutl. disp. 5. th. 9. lit. c. vol. 1. Feriæ distinguuntur.

(c) Et in hac triplici differentiâ, communiter Dd. nostri accipiunt Férias. Wesenbec. bic. num. 3. ibi: Dd. nostri communiter tres, &c. Speculat. in tit. de Fer. §. 1. in pr. De quibus nunc ordine th. 5. & seqq. acturi sumus.

THESIS V.

Solennes Feriæ sunt, ^(a) quæ in honore
ac reverentiam DEI, & Divini cultus gr
tiâ sunt institutæ, ^(b)

(a) Non inſcitè Anniverſariæ quoque dici poſſunt, qvòd ſingulis annis recurrant & revertantur, ad quàm feſta mobilia, quàm immobilia referimus, quippùm propterea, qvòd non ſemper incidant in eundem diem, non poſſint deſinere eſſe ſolennia, *l. 2. l. omnes de ſacros quoque, C. hoc tit. l. 3. C. de Episcop. aud.* quæ men rursus diſtingvuntur, in Férias Majores, ſeu Feſta Auguſtiora, Hohe Feſte / & Minores, *Ordin. Cam. part. 3. c. 6.* quæ hâc ipſâ theſi ſub lit. b. recensentur.

(b) *l. ut in die Dominico. 2. l. quadraginta diebus. 6. l. omnes dies. 7. verſ. His adjicimus. l. actus omnes. 8. l. provinciarum l. fin. in pr. C. hic. & t. t. X. cod. Land R. lib. 2. art. 10. ibique Germ. in verb. Gebundene Tage / welche das Recht gibt.* Vocamus autem Férias, omnes dies ſolennes, & ordinati celebres, honori divino dicatas, ſcilicet, Diem ſequem Dominicum appellamus. *l. 2 3. 7. verſ. In eâdem ſervatione, d. l. ult. §. 1. C. h. t. l. ſed etſi. 26. §. ſi feria. ff. ex l. 6. & l. 7. cum ll. ſeqq. C. de Fer. c. 1. diſtinct. 3. de consecrat l. 6. & l. 7. cum ll. ſeqq. C. de Fer.* Item Feriæ Pentecostes, Dies natalis Johannis Baptiſtæ, Feſtivities Beatæ V

nis Mariæ, nempe Purificationis, Annunciationis &c. duodecim Apostolorum, S. Michaëlis, & omnia festa in honorem DEI instituta. *Ordin. Cam. d.t. 33. §. Und darzu alle Feiertage 2c.* Recessus Imperii Wormatiæ de Anno 1521. ubi feriæ totius anni recensentur: in quibus tamen semper attendendum, quid locorum consuetudines probent. *l. semper. 34. ff. de R. J.*

THESIS VI.

Antequam autem ad alias Feriarum species deveniamus, Quæstio hæc, An in honorem DEI introductæ Feriæ, statuto, vel consuetudine tolli possint? ^(a) tractanda erit.

^(a) Pro cujus decisione statuendum, quod licet in certis casibus earum observantia statuto, vel consuetudine limitari, minui, & temperari queat, omninò tamen & absolute abrogari nequit, *l. Provinciarum. 9. C. b. t.* Quia juris Divini dispositionem & Legis antiquæ constitutionem homines tollere non possunt. *§. Sed naturalia. 11. Instit. de jur. nat. gent. & civ.* Et, si per pactum hujusmodi feriis partibus renunciare non licet, neque per statutum ac consuetudinem illis aliquid auferendum erit, arguendo de pacto, ad statutum sive consuetudinem, *l. non impossibile. 50. ff. de pact.* Idque communi interpretum calculo probari testatur. *Menoch. l. Arbitr. jud. cent. 1. cas. 30. num. 12. Robert. Marant. part. 4. distinct. 16. à num. 63. usque ad fin. Hieron. de Caval. l. Quæst. practic. 260. num. 11. 12. & 13.*

THESIS VII.

Indictæ, ^(a) quæ colligendorum vindemiæ,

miæ, messis, & aliorum Fructuum causâ, indicuntur. (b)

(a) Sive necessaria, quas ipsa necessitas fervoribus æstivis mitigandis, & Autumnis. *l. prasides Provinciarum, 4. ff. de Fer. l. publicas, s. l. omnes dies. 7. C. eod.* Hoc est autumnalibus fructibus colligendis, invenit & concessit. Quibus deputantur duo menses, Unus est, gratiâ Messium, Alius, gratiâ vindemiarum, *d. l. 5. In pr. junct. l. 7. in verb. init. C. h. t.* Statuuntur ergò, fructibus decerpendis in æstate, & in autumno, ad requiem laboris, id est, ut quiescant homines, à causis, cum laborant circa messes vel vindemias, & ita æstas & autumnus, dicuntur indulgentior pars anni; quia indulgent infirmitati hominum, concedentes eis, ad vitam necessaria. Vocantur & humana, Ordinaria, & Legitimæ, *Harpr. disput. 2. de process. judic. cap. 5 conclus. 60. & 61.* Huc etiam referri possunt, Feriæ nundinarum, sive mercatum publicorum. *l. unic. C. de nund. & mercat.* quæ mercatoribus eam præstant libertatem, ne à civibus illius loci, ubi nundinæ aguntur, conveniantur privati debiti nomine, *d. l. unic. C. d. t.* Quales sunt, in Imperio Rom. Francofurtenses ad Mœnum, & Oderam, Lipsienses, Naumburgenses die Petri Pauli, & plures aliæ, quæ undique in civitatibus liberis Imperialibus solenniter fieri solent. Nam quod Mercationes hebdomadales concernit, die *Wochenmärkte* illæ privatae sunt, neque nobis in considerationem veniunt.

(b) *Gl. Germ. ad artic. 10. lib. 2. Land Rechts. in verb. die andern gebundene Tage aber ic.* Occupati enim circa rem rusticam, in forum venire, compellendi non sunt, *l. 1. in fin. pr. ff. nostr. tit. l. ut in die. 2. l. omnes dies. 7. C. hic,*

THESIS VIII.

Sed num Feriarum exceptio, etiam iis, qui tempore messium & vindemiarum non sunt occupati, competat? controversum est, (a)

(a) Quamvis *Bart. in l. 1. C. de Agric. & censu*: putet, has ferias aliis non prodesse. Et *Speculat. in tit. de Fer. §. 1. num. 8.* hanc exceptionem restringat, ad eos tantum, qui vel per se, vel per alios occupati sunt: Nos tamen hoc beneficium, non immerito omnibus ac singulis, siue messum procurent, siue non, indistinctè concedimus, *l. 1. in pr. l. solet etiam. 3. l. seq. 4. ff. de Fer. l. omnes dies. 7. C. d. t. artic. 10. & 11. verb. in gebundenen Tagen/2c. lib. 2. LandR. (1.)* Propter generalitatem Edicti Prætoris: Ne quis adversarium tempore messium, aut vindemiarum in jus vocet, *d. l. 1. in pr.* Ut enim dispositiones legum sunt generales. *l. 3. C. de LL.* Ita & beneficia Legibus proposita, generatim competunt, & ad omnes pertinent. *l. nulla juris ratio. 25. ff. d. t.* Et licet (2.) ipse principalis per se non sit capax hujus beneficii: Ejus tamen Procurator, Testis, Advocatus, Messem fortè sperat.

THESIS IX.

Repentinæ (a) Feriæ sunt, quas Imperator (b) ob publicam gratulationem, & Rempublicam benè aut infelicitè gestam extraordinem repentinò indicit & denunciat. (c)

(a) Quæ casu ita ferente, ex causis inopinatis, nullâ cer-

tâ lege, aut tempore ordinariè introductæ, instituuntur. *l. 1. in pr. l. à nullo. 4. C. bic. qvarum certæ species non sunt.*, sed ex variis causis, variè & arbitrato indicentis, distinguuntur. *l. sed etsi. 26. §. si feria. 7. ff. ex quibus causis major.*

(b) Undè non solùm extraordinariæ & humanæ, sed etiam Imperiales appellantur, *d. l. à nullo. 4. C. bic.* Ideò, qvòd à solo Imperatore constituebantur, qvas, si alius induxerit, non nominantur feriæ, ac per hoc, si nomine eximuntur, fructu etiam carebunt, ut non præstent dilationem, *sapius jam alleg. l. 4. C. h. t.* Hodie etiam à Principibus & liberis civitatibus, in suis Provinciis, argumento illorum, *quæ tractantur ab Andr. Gail. lib. 1. de pac. publ. cap. 6. num. 10. & 11. Coler. part. 3. cap. 7. num. 29. & trib. seqq.*

(c) Ut puta, ob diem Natalis, tam sui, qvàm filii sui, vel coronationis suæ, vel qvia uxorem duxit, vel victoriam de inimicis reportavit, vel oblectum, & res bello infelicer gestas, vel ob seditionem, vel luem publicam. *l. 1. l. 4. C. de Fer. art. 10. lib. 2. Landt. X. in Gl. Germ. sub. verb. Auch seynd noch andere gebundene Tage.* Qvò non incommodè referri possunt Dies precationum, die Beth-Tage / qui Christianorum omnium consensu institui solent.

THESIS X.

Prædictarum nunc feriarum differentiam, qvòd attinet, sciendum est, Ferias indictas, sive rusticas, partium litigantium consensu remitti posse, (a) secus in Solennibus, (b) & Repentinis. (c)

(a) Per text. notab. in *l. 1. §. 1. ibi: Spontè venerint &c. item: Spontè litigantibus. l. si feriatis diebus. 6. vers. Nisi ex voluntate partium. ff. nost. tit. cap. ult. in verb. fin. X. eod.*

ed quòd principaliter in favorem partium sint introdu-
ductæ, cui renunciare licet. *l. si quis. 29. circa fin. C. de pact.*
Tùm quòd verba de feriis hisce, ita sint concepta, ut ne-
mo invitus, hoc tempore in jus vocari debeat. E. Argu-
mento à contrario sensu ducto, si nimirum consentiant
partes, possunt in jus vocari, *d. l. 1. ff. de Fer.*

(b) *cap. fin. in verb. ut consentientibus etiam partibus. X. b. t.* Quia lege morali, quæ æterna & immutabilis est, ju-
bemur diem Dominicam sanctificare, & ab omnibus
profanis operibus & negotiis quiescere. Ex quo fit, quòd
Feriæ in honorem reverentiamq; DE I constitutæ, prin-
cipaliter cultum divinum, non partium favorem con-
cernant. *d. cap. fin. X. de Fer.* Pactis itaque Privatorum, Ju-
ri Publico nil quicquam derogari, notum est, *per cap. si
diligenti. 12. X. de for. compet. l. jus publicum. 38. ff. de pact.*

(c) In quibus idem, propter similem rationem, quòd
videlicet, magis ad publicum, quàm partium spectent
favorem, receptum est, *l. sed et si. 26. §. si feria. 7. ff. ex qui-
bus causis major. l. siue pars. 3. C. de dilat.* Pro cujus ulterio-
ri resolutione ac decisione inspiciendus est. *Johan. Zang.
part. 2. cap. 7. num. 10. & 11. Chil. König in process. cap. 42. n. 33.
Vultej. lib. 2. Jurispr. Rom. cap. 30. num. 49. Sebast. Nav. ad l.
6. ff. de Fer. Bocer. class 5. disput. 2. tb. 22. & seqq.*

THESIS XI.

Quoad causam efficientem, distingui-
mus, inter Ferias Solennes & Indictas, (a)
& inter Ferias Repentinas. (b)

(a) Quia hæ constituebantur olim, secundum mores
& consuetudinem, à Pontificibus & Magistratibus majo-
ribus, puta Dictatoribus, Consulibus, Proconsulibus,

Prætoribus, Præsidibus, *l. si in aliam. 7. ff. de offic. Præcons. l. sed et si. 26. §. si feria. 7. ff. ex quibus causis major. l. Præsides. 4. ff. de Fer. l. Provinciarum. 9. C. eod. cap. conquestus. circa med. C. d. i.*

(b) Quarum causa efficiens, est solus Imperator & Princeps, qui eas indicere potest. *l. à nullo iudice. 4. C. h. r.* Prout itaque ab eo indictæ & inductæ, ita etiam propter summam ejus reverentiam servandæ sunt: aliàs tam in his, quàm in illis, datur feriarum Exceptio, quæ licet Dilatoria sit, cum dilationem temporis tantum tribuat, *arg. l. 2. §. 4. l. 3. ff. de Except.* Tamen in quâlibet parte judicii, eò, quòd gravamen successivum habeat, & actum continuum comprehendat, rectè opponendam esse, cum Zang. *part. 2. cap. 7. n. 4. de Except.* statuimus,

THESIS XII.

Forma, & tempora colendarum Feriarum, Lege præscripta sunt, (a)

(a) *l. 2. l. omnes dies. 7. l. fin. C. hoc nostr. tit. Wesenb. in paratit. ff. eod. num 6.* Quòd pertinent ea, quæ ratione Solennium, & Repentinarum Feriarum, *in ch. 5. & 9.* adducta fuerunt, quibus circa necessarias, Mesium & vindemiarum ferias, & hoc adjiciendum erit, quòd illæ regulariter, & de Jure Civili ab 8. die Julii incipiant, & ad 14. Augusti, inclusivè durent. *Recess. Imper. Wormat. de Anno 1512.* Hæ verò à 10. Cal. Sept. usque ad Idus Octobr. æstimentur, *d. l. 2. C. hic.* nisi quid aliud ex inveteratâ consuetudine alicubi observetur. In his enim Feriis necessariis, cum non tam temporis, quàm fructuum ratio habenda, & in quibusdam locis tempestivius fructus maturentur, quàm in aliis, puta in maritimis, quàm montanis, & in cali-

calidis, quàm in frigidis Regionibus : Ideòque Regionis
cujuslibet occasione, & fructuum necessitate, aliter ci-
tius vel celerius indici & constitui possunt. *l. 4. ff. h. t.*
Undè etiam Indictæ vocantur. *l. si in aliam. 7. ff. de off. Pro-
cons.* Ne commodum, cœlesti munere datum, temporis
ratione non habitâ, pereat. *l. 2. l. 3. l. omnes. 7. C. h. t.*

THESIS XIII.

Hîc occurrit dubium : quando Feriæ
nonnunquam discrepant, Et in loco ubi
habitat Reus, priùs indicuntur, quàm in lo-
co, ubi moratur Actor vel Judex : utrum
Actoris, An Rei, An demùm judicis Feriæ
observari debeant ?

Posterius regulariter verum esse existimamus. *arg. l. 3.
§. fin. ff. de testib. l. 1. §. in honorariis. 10. ff. de var. & extraordi.
cognit. cap. cum venissent. X. de eo, qui mitt. in possess.*

Quia (1.) Feriæ dicuntur, quibus judicialis strepitus
conquiescit, & judex sui copiam sive potestatem non fa-
cit, prout notavimus *supr. eb. 3. lit. c.*

Quia (2.) locus contractus attendi debet, *l. si fundus. 6. ff.
de Evict. l. semper in stipulationibus. 34. ff. de R. J.* Atqui in lo-
co, ubi Judex commoratur & jus reddit, quasi contrahere
censeatur Litigantes, litem contestando.

THESIS XIV.

Ubi, de materiâ, circa quam Feriæ versan-
tur, tractandum, sub quâ comprehendun-
tur omnes Actus tam publici, quàm priva-
ti,

i, (a) qvi causæ cognitionem requirunt, &
sine strepitu judicii peragi nequeunt. (b)

(a) Intellige Actus judiciarios, qvi inter litigantes &
contententes exercentur. *l. fin. C. de Fer. Et contentiosa ju*
risdictionis. l. 7. in verb. fin. omnium publicorum, privatorum
que. l. seq. 8. in pr. C. hoc. nost. tit. Nam ea, qvæ ad volunta
riam jurisdictionem spectant, & ad extrajudiciales actu
pertinent, qvolibet tempore, etiam feriato, explicari pos
sunt. *d. l. actus omnes. 8. C. hic. & l. 1. §. 1. l. 3. §. 1. l. 6. ff. d. t.* Und
pacta, transactiones, emancipationes, manumissiones, &
adoptiones, hisce feriis celebrare, prohibitum non est
l. 2. l. 8. & l. fin. §. 1. circ. med. C. h. t.

(b) arg. *l. 1. in verb. appellationum causis. C. bñc.* Regularite
namqve omnia ea, qvæ judicii indaginem requirunt, die
bus feriatis, non solum de jure civili, sed & de jure Saxon
ico, cessare debent. *Landt R. lib. 2. art. 10. circ. verb. in gebu*
denen Tagen. & art. 11. in fin. cum art. 66. ibi: Hellige vnd g
bundene Tage 2c. die secundum Gl. Germ. darumb also gene
net werden / daß in solchen Tagen man von Berichtslich
Klagen ruhen / vnd kein Bericht darinnen gehalten werde
soll. Ab hac tamen generali regulâ multi excipiuntur c
sus, de qvibus in *Tb. 17. lit. b.* dicetur.

THESIS XV.

Sed An citationis executio, ipso die f
sto, ad alium diem non festum, jure fie
possit?

Contra Hieron. Treut. disput. 5. th. 9. lit. f. volum. 1. affirm
mus, Quia (1.) citationis executio non requirit stre

tum judicialem : Sed (2.) est actus quasi extrajudicialis, qui domi privatimque expediri potest. Nec causa cognitionem (3.) desiderat : cessante igitur ratione Prohibitionis, cujus fit mentio in *l. 1. ff. de Fer. l. ult. C. d. tit. cap. 1. cap. ult. X. eod.* meritò etiam ipsa cessat prohibitio. *l. quod dictum. 32. ff. de pact. cap. cum cessante. 60. X. de Appellat.*

De oblatione Libelli, utrum diebus feriatis, Accusator Præsidem adire, & Libellum dare possit, non exiguus quidem inter Dd. est conflictus : Sed nobis ex eadem ratione, quod Præsentatio Libelli, nullam causæ cognitionem requirat, affirmativa prævalere videtur. *juxta l. miles, 11. §. sexaginta. 6. ff. ad L. Jul. de adult. l. 2. C. de Fer.*

THESIS XVI.

Finis Feriarum est varius. Est enim vel cultus divini præstatio, ^(a) vel Fructuum collectio, ^(b) vel gaudii, tristitiæve participatio. ^(c)

(a) Ut quoad Solennes, multitudo à curis Prophanis feriata, cultui divino det operam. *Genes. 2. v. 3. Exod. 12, v. 14. l. omnes. 7. l. fin. C. hic.*

(b) In necessariis verò, & indictis, ut Agricolaë litibus vacui, colligendis tempestivè fructibus, vacare possint. *l. 1. l. 2. ff. hic. l. 3. C. eod.*

(c) Circa Repentinas denique, ut publicum gaudium luctusve, publico justicio celebretur. Quibus & addatur finis nundinarum, ut necessaria comparentur. *l. unic. C. de nundin.*

Observatis hætenùs iis, quæ ad Feriarum aliqualem cognitionem pertinent, restat denique earum effectus, qui tantus est, Quod, quamvis aliàs, lites cursim expediri, publicè intersit, ^(a) Judicia tamen in feriis quiescere debeant. ^(b)

^(a) Ne fiant immortales, *l. 21. in fin. ff. de R. C. l. 1. §. 10. ff. de oper. nov. nunciat. l. properandum. 13. in pr. Et §. 1. C. de judic. cap. jurgantium, X. de sent. Et Re judic.*

^(b) Ab Imperat. siquidem Leone & Anthemio, in *l. ult. C. de Fer.* expressè constitutum est, ut in feriis taceat apparitio, delitescat Advocatio, Præconis horrida vox filescat, Judicium namque diebus feriatis agitarum, ipso jure nullum est, & sententia lata non subsistit. *l. si ne proponis. 4. C. quomod. Et quand. Jud. l. 1. C. de Fer.* Sed hæc universalis Regula multis variisque modis declaratur & non procedit.

(1.) In causis Summariis, & quæ sine strepitu judicii peragi queunt, quæq; nullam cognitionem desiderant. *arg. l. 2. §. 1. ff. quis ord. in posseß. serv. Zang. part. 2. cap. 7. num. 10. de Except.*

(2.) Quæ sunt voluntariæ jurisdictionis, *l. 2. ff. de Fer. l. actus. s. C. eod. tit.*

(3.) In causis pietatis, operibus misericordiæ, & charitatis Christianæ, *cap. conqvestus. ult. in verb. vel pietas suadeat, X. de Fer. l. 1. §. fin. cum l. seq. ff. d. tit. Andr.*

Geil.

Geil. lib.
dierum
(4.) S
ret. l. fea
3. Et d. c.
ff. bic. l.
(5.)
publica
l. custodi
culi:

Ha
Pa
Te
Ch

H
inter
Feria

Qu
vers. 16
fil. 205.
2. num
Fer. &
Per sex
quolib
quide
Appe

Geil. lib. 1. observ. 53. n. 13. Quia in operibus misericordiae, dierum distinctio non est habenda.

(4.) Si necessitas urgeat, aut causa celeritatem desideret. *l. sed etsi. 28. §. 3. 4. ff. de judic. cap. fin. in fin. X. d. t. cap. 3. & d. cap. fin. X. b. t. l. 1. ff. de damn. infect. l. 1. §. 2. l. 3. in pr. ff. bic. l. 3. C. eod.*

(5.) In causis quæ non differri Reipubl. interest & publica utilitas suadet. *l. pen. ff. b. t. l. 5. §. 1. l. pen. C. eod. l. custodias. 12. ff. de publ. judic.* Undè vulgares illi versiculi :

*Hæc faciunt causas festis tractare diebus
Pax, scelus admissum, manumissio, Res peritura
Terminus expirans, mora, testis abesse volentis
Cumque potestatis patria jus filius exit.*

THESIS XVIII.

Hinc ultimo loco Queritur: An quoad interponendam Appellationem, tempus Feriarum præstet impedimentum?

Quod negamus. cum Azon. in tit. C. de Fer. num. 5. vers. Item quolibet tempore appellari potest. Gvid. Pap. consil. 205. num. 11. ibi: quia die feriata &c. Speculat. de Fer. §. 2. num. 2. Just. Mejer. in Colleg. Jurid. Argentor. sub tit. de Fer. & Dilat. num. 21. in fin. Rocer. class. 6. Dissut. 16. tb. 33. Per textum, cum Gl. in l. 1. C. de Fer. Ubi disponitur, quòd quolibet feriato tempore, in quâlibet causâ appellari quidem possit, sed appellationis causa tractari nequeat. Appellationis enim interpositio, coram iudice extra-

judicium fieri potest , nec confestim judicis cognitio,
deferendum sic Appellationi, nec ne ? necessaria est.
Et si aliter diceremus , facile fieret , ut sententia trans-
iret in judicatum, & opprimeretur pars innocens. *Gloss.*
d. l. 1.

Atque hæc de Feriarum materiâ, non quidem pro
ipsius dignitate , sed pro ingenii tenuitate dicta suffi-
ciant.

Jehovæ Maximo, maxima Gloria.

